



叢話卷之十六

科舉類

能省試之夜賦詩云白蓮千朵照廊明一片承平雅頌聲
更報第三條燭盡文昌風景寫難成復齋謾錄云杜陽雜
編言詩光與舉進士既試脂炬三條人皆自將以余考之
唐制如此爾故廣記云唐制舉人試院日暮許燒燭三條
常取貽試先畢作詩云褒衣博帶滿塵埃獨上都堂納卷
回蓬巷幾時聞古語棘籬他日免重來三條燭盡鍾初動
九轉丹成鼎未開明月漸低人擾之不知誰是謫仙才又
舊說舉場日晚試官推德輿於簾下戲云三條燭盡燒殘
舉子之心而舉子遷荅云八韻賦成驚破試官之膽乃知

唐制許舉子見燭二條也

詩林

王荆公有評定試卷詩云童子常誇作賦工暮年羞悔有揚
雄當時賜帛倡優等今日論才將相中細甚客卿因筆墨
卑於爾雅注魚蟲漢家故事真當改新詠知君勝弱翁言
詞賦非所以取士也又云文章直欲看無類勲業安能保
不磨疑有高鴻在寥廓未應回首顧張羅言科舉不足以
得士也然皆不可

王嗣宗宋太祖朝與趙昌言爭狀元上命二人手搏嗣宗勝
之故种放曰卿以手搏得狀元嗣宗嘗為泰山司理作詩
云欲掛衣冠神武門先尋水竹濟南村却將舊斬樓蘭劍
買得黃牛教子孫

雜記

懿宗朝咸通中以舉子侈異衣服下令不許騎馬場中不
下千人街市皆跨長耳驢或以詩嘲之云今年勅下盡騎
驢短帽長鞭滿九衢清瘦兒郎猶自可就中愁殺鄭昌圖
以鄭身體肥大之甚故特譏之

金壁故事

章碣賦東都望幸詩云願修珠翠上高臺眉月連娟恨不開
縱使東巡也無益君王自領美人來謝疊山云此詩乃省
闈舉子聞知貢舉以私意取其門客故以此諷之也

蘇東坡與潘三失解後飲酒詩云千金散帚人誰買半額蛾
眉世所妍顧我自為都眊矇伶君欲聞小婢媚青雲豈易
量他日黃菊猶應似去年醉裏未知誰得喪蒲江風月不
論錢趙彥材云撫言載唐進士失解醉飽者謂之眊矇今

句云顧我自為都眊噪則以不獨潘三失解為有眊噪之
愁而我所為失意無一不是眊噪矣

陳無已送兄子孝忠落解南歸詩云妙年失手未須恨白璧
深藏可自妍短髮我今能種之曉粧他日看娟之千金市
帚能論價萬戶封侯信有年清白傳家有如此歸塗囊盡
不留錢○唐人赴省以詩文獻典貢舉者有詩云洞房昨
夜停紅燭待曉堂前拜舅姑耳畔低聲問夫婿畫眉深淺
入時無后山曉粧他日看娟之意本此蔡家齋云此詩乃
用東坡與潘三失解後飲酒詩韻

孟東野有下第詩曰弃置復弃置情如刀劍傷又再下第詩
曰兩度長安陌空將淚見花其後登第有詩云昔日燈籠

不足嗟今朝曠蕩思無涯春風得意馬蹄疾一日看盡長
安花則志氣充溢一日之間花皆看盡進取得失蓋亦常
事而東野器宇不宏至於如此何其鄙耶高瞻下第獻高
侍郎一絕云天上碧桃和露種日邊紅杏倚雲栽芙蓉生
在秋江上不向東風怨未開熊勿軒云可謂知時守分無
所怨慕斯可貴也 詩林

張景脩字敏叔常州人余大父客也刻苦作詩典雅平易時
多佳句元豐末為浮梁令邑子朱天錫以神童應詔景脩
作詩送之天錫到闕會心取本州公掾為禮部所却因擊
登聞鼓院繳景脩所送詩為證神宗一見大稱賞之翌日
以語宰相王禹玉恨四方有遺才即令召對禹玉言不欲

一詩召人恐長浮競俟其秩滿赴部命之遂止比景脩官
蒲神宗已升遐矣詩數一篇大父元祐自湖南憲請宮祠
歸景脩寄詩曰聞說年來請洞霄江湖奉使久勤勞有神
仙處開方得用老成時還更高借宅但須新種竹尋仙想
見舊栽桃浮梁居士塵埃甚鬢髮而今也二毛其詩大抵
類此流落無聞亦可惜也 石林詩話

五代王仁裕知貢舉王丞相溥為狀元時年二十六後六年
遂相周世宗猶及宗朝以太子太保罷歸班年纔四十二
前所未有也溥初拜相仁裕猶致仕無恙嘗以詩賀溥云
一戰文場拔趙旗便調管佐無為白麻驟降恩何極黃
髮初聞喜可知跋扈客如公到少築沙堤上馬歸遲立班

始得遙想見親洽曾如未貴時溥在位每休沐必過仁裕
從容終日蓋唐以來座主門生之禮猶厚今丞相王將明
霍侍郎端友傍南省奏名時知貢舉四人安樞密安厚劉
尚書彥昂與今鄧樞密子常范石丞謙叔吾亦忝與點檢
試卷官鄧范不唯及見其登庸可以繼仁裕且同在政府
則仁裕所不及也 石林詩話

呂文穆公未第時嘗遊一縣胡大監旦方隨其父宰是邑遇
呂甚薄客有譽呂曰此君工於詩宜少加禮胡問詩之警
句客舉其一詩卒篇云挑盡寒燈夢不成胡笑曰乃是一
渴睡漢爾呂聞之甚恨而去明年首中甲科使人寄聲語
胡曰渴睡漢狀元及第矣胡答云待我明年第一人及第

翰君一籌既而次榜亦中首選

六一詩話

自科場用賦取人進士不復留意於詩故絕無可稱者惟天聖二年省試采侯詩末尚書祁宏擅場其句有色映翔雲

欄聲迎羽月遲

一作馳

尤為京師傳誦當時舉子目公為

宋采侯

六一詩話

石曼卿下第偶成集句詩曰一生不得文章力欲上青天未
有因聖主不勞千里召姬娥何惜一枝春鳳凰詔下雖沾
命豺虎叢中也立身啼得血流無用處着朱騎馬是何人
又絕句云年去年來去忙為他人作嫁衣裳仰天大笑
出門去獨對春風舞一場西清詩話云集句自國初有之
未之盛也至石曼卿人物開敏以文為戲然後大著元豐

間王荆公益工於此王直方謂自荆公始非也

石曼卿官冊府時五鼓趨朝見二舉子繫羅舍望曼卿號呼
請救因駐馬色澀卒問之曰昨夕里閨間有納婦者二子
允隙以窺夜分被執曼卿力為揮解卒長勉從之二子叩
頭拜于馬前曼卿按轡口占絕句以調之曰司空怜汝
須知月下敲門更有誰巨耐一雙窮相眼得便宜處落便
宜

西清詩話

徐漢暮年宋初方得特奏出元作詩云白髮青衫晚得官瓊

林頓覺酒腸寬平衰夜過無人問留得宮花醒後看

蘇少公云吾兄子瞻謫居儋州進士姜善佐往從之遊
氣和而言道有中州一人之風子瞻愛之贈之詩曰滄海

何曾斷地脉白袍端合破天荒且告之曰子異日登科當
為子成此篇崇寧二年隨計過汝陽以此句相示時子瞻
之喪再逾歲矣覽之流涕乃為足之云生長第間有異芳
風流謾下古諸姜適從瓊管魚龍空秀出羊城翰墨場滄
海何曾斷地脉白袍端合破天荒錦衣不日千人看始信
東坡眼力長唐荊州每解舉人多不成名號曰天荒至劉
蛭舍人以荊州解及第曰破天荒 詩林

魏了翁字華父宋慶元中進士第三人謝恩詩云聖皇學問
富春秋當守宵衣渴壯猷鶴立銀袍天北闕龍飛金殿
巧頭形輝謬對三千字黃榜俄輸一一籌初學粗
體紛更要說洛陽羞後知紹興府端平中除樞相

場

在靖州創鶴山書院聚友講書

屋舉子至和嘉祐間為文尚奇澁讀或不成句歐陽公力
欲革其弊既知貢舉凡文涉雕刻者皆黜之時范景仁王
禹玉梅公儀韓子華同事而聖俞為參詳官未引試唱和
詩極多歐公詩云紫案焚香暖吹輕廣庭清曉席群英無
譁戰士銜收勇下筆春蚕食葉聲鄉里獻賢先德行朝廷
列爵待公卿自慚衰病心神耗賴有群公鑒識精聖俞亦
有萬蟻戰酣春晝永五星明處夜堂深之句亦為諸公所
稱及放榜平時有聲如劉暉輩皆不預選士論頗洵之未
幾闕然以為主司惟唱酬不暇詳考且言以五全自比而
待我輩為蚕蟻因造為醜語自是禮闈不復作詩然是榜

得蘇子瞻為第二人子由與曾子固皆在選中亦不可謂
不得人矣 石林詩話

王禹玉禮部倡和呈永叔書事詩云詔書初捧下西廂重棘
連催暮鐘忙綠繡珥貂留帝詔紫衣鋪案拜宸香卷如驟
雨收聲急筆似飛泉落勢長十五年前出門下最榮今日
預東堂方云禹玉弱冠中甲科出歐公門至是十五年亦
可謂榮速矣許光凝撰其集序謂不出都城致位宰相予
謂岐公詩多寫貴語惟如此富貴人能為之

梅聖俞較藝和王禹玉內翰詩云分庭各拜士傾心却下朱
簾絕語音高蟻戰酣春日永五星明聚夜堂深大槌頑石
方逢玉盡撥寒沙始見金淡墨榜名何日出金明沙苑可

能尋詩話見前詩註下方云承平時省試諸公例有倡和
兩不相妨是年歐陽公知舉王岐公以翰學與聖俞俱在
院得二蘇與南豐之年也元祐三年東坡為知舉黃山谷
李伯時俱為屬倡和尤盛張氏集後有同文館倡和數
卷是無咎曹子方蔡天啓鄧忠臣皆與佳句無筭亦考試
時作南渡以後此風頹落知舉監試官用從官言路之長
小試官四十餘人雖宣鎖四十餘日未有一篇詩傳於世
者於熟爛時文之中求天下之士賦必有一定之說經必
拘破題四句小巧以此為了事癡兒世道日以衰矣歐蘇
大老昔司文衡賦詩較藝兩用其至綽有餘蓋不可復
見矣悲夫

梅聖俞謝歐陽永叔答述舊之作和禹玉詩云天下才名罕
有雙今逢陸海與潘江筆生造化多辨聲滿華夷一
降金帶繫袍迴紫署翠娥持燭侍陰窓人間榮貴無如此
誰愛區區擁節幢此亦試院作謂禹王永叔二學士大才
也前聯壯哉次聯麗甚又較藝贈永叔和禹玉詩云今看
座主與門生事相同舉世榮並直禁林司詔令又來西
省選豪英飛龍借馬天邊下光祿供醪月底傾食葉春聲
句偏美當時曾記賦將成此食葉春聲謂歐公句也王岐
公乃歐公十五年前所取門生

揚誠齋送族弟子西赴省詩云吾家詞伯達齋翁阿李文名
有父風筆陣千軍能揮掃馬羣萬古洗來空嗟予還笏歸

林下看子乘船入月中淡墨榜頭先快睹泥金帖子不須
封方云送七人赴省及鹿鳴宴舉世難得好詩此乘船入
月中一句奇

下第羅鄴詩云謾把青春酒一盃愁襟未信酒能開江邊依
舊空歸去帝里還如不到來門掩殘陽鳴鳥落花飛何處
好池臺此時惆悵便堪老何用人間歲月催方云唐人下
第清懷有如此者一名一第後天下士亦可冷矣

白樂天喜弟敏中及第詩云自知羣從為儒少豈料詞場中
第頭桂折一枝先許我慈穿三葉盡驚人善於文墨須留
意貴向烟霄早致身莫學我兄年五十蹉跎始得掌絲綸
後敏中新授戶部員外郎西歸又詩云千里歸程三伏天

官新身健。翻之行衛赤日加餐飯。上到青雲穩着鞭。長
慶老郎唯我在。客曹故事望君傳。前鴻後鴈行難續。相去
迨之二十年。

歐陽水叔送鄭革先輩賜第南歸詩云。少年鄉譽歎才淹。六
十猶隨貢士函。握手親朋驚白髮。還家閭里看青衫。閣涵
空翠連衡阜。明枕寒江落楚帆。試向塵埃勤斗祿。何如琴
酒老雲峯。宋之人才不得一第老而不休。觀歐陽公送鄭
革之詩。及梁皓得第之吟。豈但可以資老舉人之談笑。亦
足以厲仕進之志云。

周必大以秘書少監寓直翰林。設策試王仲衡嘗賦詩寄同
年程泰之云。當年給札踏金臺。重到依然六月寒。學士策

士以秘書官試秘書官。自憐綠鬢非前度。尚覺青衫
一般青。語浙東程閣老莫矜紅旆笑。儒酸程答詩末句
有云。有底滑稽堪羨處。金蓮燭裏話窮酸。又言予庚辰九
月與程同試。兩人名皆有大字。程名大昌。明年試。應第茂
輝。姓名俱草頭。又明年試。王東里程千里名連里。字類歲
信爾亦可書也。周益公玉堂雜記。

王郊得第。有春風得意馬蹄疾。一日看盡長安花之句。氣局
於短故。劉後村廣州勸駕詩。乃云。好陳童子三篇策。莫看
唐人一日花。不特翻案意新。多士者亦遠矣。

十載湘江守。重來白髮垂。初無下車政。每賦食華詩。天闕得
鵬翼。春融長桂枝。功名儻采事。人欲要須持。此劉忠肅公

珙帥潭勸駕詩也可見前脩勉勵後學之意比近世例以
倫魁相期者遠矣

蘇東坡別董傳詩云卷繒大布裹生涯腹有詩書氣自華

伴老儒烹瓠葉後漢劉昆事強請學于踏槐花囊空不辨

尋春馬眼亂行差擇婿車得意摘堦誇世俗詔黃新濕字

如鴉投唐進士宴曲江公卿家傾城縱觀鈿車珠軟擲比

而至中東榻之選者十八九坡公擇婿車之句本此

梧桐葉落井亭陰鎖閉朱門試院深實是昔年辛苦地莫將

今日負初心此唐人知貢舉題試院之詩後有下第者改

為五言末云今日負初心可嘆也

登科佳句如陳元老云桃花穩過三層浪桂島錄第一技

無前進馬杏園都是後題詩劉禹錫云三春省壁

一字天津馬渡橋王禹偁云青雲隨步登華榻紅

香入杏園利市欄衫拋白亭風流名字寫紅牋鄭谷

二月霞照上三清路瑞景裁成五色毫韓持國云門開闔

闔星河近榜注神仙姓字新揚誠齋云名登龍虎黃金榜

人在煙霄白玉京少年已號萬人敵強仕初登千佛名揚

正叟云月中丹枝翰先手鏡裏朱顏正後生皆新奇之的

對也

李應陽程人少以文字見蘇子瞻喜之元祐初子瞻知舉薦

適來就誠意在必得薦以冠多士及閱卷程文大喜以為

為無疑遂以為魁既拆號乃他人悵然出院以詩送焉歸

云平時漫說古戰場，過眼終迷日五色。蓋道其本意為自是學亦不進，家貧不甚自愛，嘗以書責子，瞻不薦已子瞻後稍薄之，竟不第而死。石林詩話

薛逢晚年厄於宦途，策羸馬赴朝，值新進士綴行而出，團司所由數十人見，逢行李蕭然，前導曰：「回避新郎君。」逢輟然遣介語曰：「莫貧相。」阿婆三五少年時也。曾東塗西抹，采蘇東坡送蜀人張思厚殿試有詩云：「雲龍山下試春衣，放鶴亭前送夕暉。一色杏花三十里，新郎君去馬如飛。」用此語也。

王平甫謂宋匪躬、太祝、先輩示及劉貢父、伯仲三人同年登第之詩，因奉一篇云：「六朝文物事當年，闕闕如今舉世推。」

射策人爭看三虎薦書，吾早識孤鴈集英。曉日臚傳後墜苑春風，宴喜時共羨絲綸歸世。掌還開驂，隔鳳凰池元註大祝京西第一薦時予為考官。

菊坡叢話卷之十七

兵戎類

方萬里云征戰守戍大而將帥小而卒伍其情不同采薇以遣之秋杜以勞之此周之詩然也後世之邊塞非古矣從軍有樂問所從誰六月于邁言觀其師文人才士類能言之凡兵馬射獵亦在所撰

陳子昂和陸明甫贈將軍重出塞詩云忽聞天上將關塞重橫行始逐樓蘭國還向朔方城黃金裝戰甲白羽集神兵星月開天陣山河列地營曉風吹畫角春色耀飛旌寧知班定遠猶是一書生此盛唐詩渾成曉風吹畫角猶池塘生春草自然佳句亦是別用一意

沈佺期塞北詩云胡馬犯邊埃風從五上來五原烽火急六
郡羽書催水壯飛狐冷霜濃候鷹哀將軍朝受鉞戰士夜
銜枚紫塞金河裏葱山鐵勒隈蓮花秋劔發桂葉曉旗開
秘畧三軍動妖氛百戰推何言投筆去終作勒銘回此八
韻十六句無一句一字不工唐律詩之祖也時稱沈宋而
二人皆不令終無美善而有艷才議者惜之陳子昂杜審
言詩亦絕出一時四人之中論其為人則陳杜之詩尤可

敬云

駱賓王在軍中贈先還知己詩云蓬轉俱行役瓜時獨未還
魂迷金闕路望斷玉門關獻凱多慙霍論功幾謝班風塵
催白首歲月損紅顏落鴈低秋塞驚鳥起暝灣胡霜如劔

鐫漢月似弓環別後庭邊樹相思幾度攀○王楊盧駱老
杜所不敢忽謂輕薄為文者哂之未休然輕薄之人身名
俱泯王楊盧駱如江河萬古所不可廢也斯言厥有旨哉
賓王史不書字武后見其檄始各宰相失人詩多佳句近
似庾信時有平仄字不協此篇乃字之入律工不可言

李太白關山月詩云明月出天山蒼茫雲海間長風幾萬里
吹度玉門關漢下白登道胡窺責海灣由來征戰地不見
有人還戍客望邊邑思歸多苦顏高樓當此夜嘆息未應
閑董蒙訓曰李太白詩如明月出天山蒼茫雲海間長風
幾萬里吹度玉門關及沙墩至梁苑二十五長亭大舶夾
雙檣中流鵝鶴鳴之類皆氣蓋一世學者能孰味之自然

不淺矣

李商隱少將詩云族亞齊安陸風高漢武威烟波別墅醉花
月後門歸青海聞傳箭天山報合圍一朝携劍起上馬即
如飛○竇鞏老將吟詩云烽煙猶未盡年髮暗相催輕敵
心空在弯弓手不開馬依秋草病柳傍故營摧唯有醉恩
客時聽說劍來讀此詩即知臂弱尚憊弓力軟本出於此
韓文公和裴晉公詩云旗穿曉日雲霞雜山倚秋空劍戟明
敢請相公平賊後暫携諸吏上崢嶸蔡寬夫詩話云此退
之和晉公征淮西時過女几山詩也而晉公之詩世無傳
者惟白樂天集中載其一聯云待平賊壘報天子莫指仙
山示老夫方其時意氣自信不疑如此豈容令狐楚輩沮

視乎

晉公詩在後

建贈索暹將軍詩云渾身著箭瘢猶在萬槊千刀總過來
輪劍直衝生馬隊抽旗旋踏死人堆聞休鬪戰心還癢見
說烟塵眼即開淚滴先皇階下土南衙班裏赴朝回此老
兵之常態也無此輩何以衛國不成一切都作吟詩而不
事之者耶

王荆公次韻元厚之平戎獻捷詩云朝廷今日四夷功先以
招懷後殪戎胡地馬牛歸隴底漢人烟火起遼中投戈更
講諸儒藝免胄爭趨上將風文武佐時慚吉甫宣王征伐
自虜公

王岐公亦和前韻云詔收新土鳳來東四百餘年陷犬戎葱

嶺自橫秦塞上金城還落漢圖中輕裘坐嘯無餘粟解髮
來庭有舊風零雨未濛音已捷不勞歸旅詠周公又聞種
諤米脂川大捷詩云神兵十萬忽乘秋西磧妖氛一夕收
疋馬不嘶榆塞外長城自起王閨頭君王別繪凌烟閣將
相今輕定遠侯莫道無人能報國紅旗行去取涼州此詩
長城自起乃兵未進討時遣人望見濮城列峙西界中故
及之

劉長卿獻淮寧節度李相公詩云建牙吹角不聞喧亂世登
壇衆所尊家散萬金爵士死身持一劍蒼君恩漁陽老將
多迴席魯國諸生半在門白馬翩翩春草細邵陵西去獵
平原

送李僕射赴鎮鳳翔詩云由來勲業屬英雄兄弟連
列位同先入賊城擒燕首盡封官庫讓元功旌幢獨繼
秦聲外竹帛新添國史中天子欲收秦隴地故教移鎮在
扶風

胡文恭公宿飛將詩云曾從嫖姚立戰功胡雛猶畏紫髯翁
雕戈夜統千廬衛緹騎秋畋五祚宮後殿拜恩金印重北
堂開宴玉壺空從來敵國威名人麾下多稱黑稍公此甚
壯麗

向文簡公偶吟遣懷詩云昔為宰輔居黃閣今仕
臺萬里蒼黔慙受賜一方清晏有何才紫宸
紅旆翻映日開將相官榮如我少不須頻
手中盃

蘇子瞻習射放鷹詩云青蓋前頭點皂旗黃茅岡下出長圍
弄風驕馬跑空立趁鳥蒼鷹掠地飛回望白雲生翠巘歸
來紅葉滿征衣聖朝若用西京簿白羽猶能効一揮東坡
被罪詩案云知密州日因祭常山回與同官習射放鷹作
此詩意取西京州主簿謝艾本是書生却善用兵意以自
比言聖朝若用某為將不減謝艾也

劉貢父為人好譴其詠史詩云自古邊功緣底事多因嬖倖
欲封侯不如直與黃金印惜取少湯湯萬斛餼劉後村云貢
父詠史詩往往指王昭李憲軍唐人曹松詩亦是此意詩
曰澤國江山入戰圖生民何可樂焦然憑君莫話封侯事
一將功成萬骨枯蔡夢弼云公塘行車行云邊城親戚曾

戰沒今逐官軍收舊骨積西行見萬里外幕府獨奏將軍
功杜子美云功名圖麟閣戰官當速朽劉灣出塞詞云死
是征人死功是將軍功劉潛夫國殤行云嗚呼諸將官日
窮豈知萬鬼號陰風陸龜蒙築城詞云城高功亦高爾命
何勞惜此詩此意真足以為貪功生事輕視人命者之戒
王維聞逆賊凝碧池作樂詩云萬戶傷心生野烟首官何日
再朝天秋槐葉落空宮裏凝碧池邊奏管絃唐明皇遭安
祿山之叛祿山悉搜樂工詣洛陽宴群臣於凝碧池盛奏
樂舞樂工雷海青悲憤擲樂器於地西向慟哭時王維聞
有凝碧之宴作此詩深寓悽憤之意後肅宗還京凡從偽
者以三等定罪王維與焉帝在蜀時維此詩偶流傳上聞

帝怜之因宥其罪

竇鞏副使中丞初至武昌夏口書事獻府主元稹詩云白髮
放蔡鞏梁王舊愛全竹籬江畔宅梅雨病中天時奉登臨
宴閑修上水船時人興謗易莫遣鶴猜錢元稹以故相為
武昌節度因請友封為副戎除秘少兼中丞以往鶴錢友
封自謂也元稹既和未幾卒於任白樂天復加兩頭和寄
云旌鉞從蔡鞏賓僚情禮全夔龍來要地鴛鴦路下塞天
汗騎驕馬青娥舞醉仙合成江上作散作洛中傳第其能
無酒貧池却有船春裝秋未寄漫道足閑錢此樂天詩也
河南尹因微之寄而和也

裴晉公度承竇七中丞見示初至夏口獻戎詩

佐青油幕來吟白雪篇顏為九臯鶴莫上五湖船故
應在新聲戎亦便元侯看舟入好被晉留連晉公初為
之所忌在相位不一月而出晉公終以再入許之可謂德
人君子矣來詩有稱鶴治船之說又聞鄂州初教成謳者
甚工故晉公詩似譏之令狐楚亦有和寄竇七中丞詩云
仙吏秦娥別新詩鄂渚來才推今八斗賦舊三台雕鏤
心偏許緘封手自開何年相贈答却得到中臺令狐楚時
為吏部尚書和此詩以前任戶部尚書友為當司真外郎
故第四句所云如此觀此五言詩足見一時人物風流之
盛蔡寬夫詩話言未見晉公之詩故錄其酬和諸公之作
於此

曹翰詩云三十年前學六論英名嘗得預時髦曾因國進拔
金甲肯為家貧賣寶刀臂弱尚嫌弓力軟眼昏猶識陣雲
高庭前昨夜秋風起羞看團花舊戰袍此曹武毅公平江
南歸環衛數年不調一日內宴侍臣皆賦詩翰以武人獨
不預乃自陳曰臣少亦嘗學詩乞應詔太宗曰卿武人以
刀字為韻翰因以寄意云

淮陰侯兵勝而不驕乃能師李左軍此最奇特事故荆公詩
云將軍北面師降虜此事人間久寂寥李廣誅霸陵尉則
薄於德矣東坡詩云今年定起故將軍未肯先誅霸陵尉
用事當知此向背

曹南院為秦帥喻氏方興與國人寇公自出禦之戰于三

谷大敗之喻氏遂表其幕府獻詩云賢守新成蓋出功
危方始見英雄三都谷路全師入十萬胡塵一戰空殺氣
尚疑橫塞外捷音相繼徧寰中君王看降如綸命旌節前

驅馬首紅 后山詩話

梅昌言出鎮太原黃覺送詩云五馬雍容出鎮時都人爭看
好風儀文章一代喧高價忠直三朝受聖知帳下軍容森
劔戟門前行色擁旌旗雲籠古戍黃榆暗雪滿長郊白草
衰出去暫開貔虎幕歸來須占鳳凰池鬢間未有一莖白
陶鑄蒼生固不遲梅邢自脩飾容狀偉如得詩大喜 刘
貢父詩話

周盤龍以武功為散騎常侍齊武帝戲之曰貂蟬何如拋盤

對曰貂蟬出於堯鑿陳后山云其外大父頴公罷相建節
出帥太原其詩云堯鑿却自貂蟬出敢用前言戲武夫季
待制師中以相業自任嘗帥秦以事去其詩曰堯鑿不勝
任猶可冠貂蟬

裴度相公蔡未平數月前吳武陵自峽石望東南氣如旗鼓
矛盾皆顛倒少選黃白氣從西北出盤蛇相交乃告公曰
今西北王師所在黃白喜氣也敗氣為賊必亡矣故韓
昌黎在鄆城晚飲作詩贈副使馬侍郎及馮李二員外云
城上赤雲呈勝氣眉間黃色見歸期幕中無事惟須飲即
是連鑣向關時

入塞曲歌滿詩云將軍帶十圍重錦製戎衣猿臂銷弓力剌
鬚長劍威首登平樂宴新破大宛歸樓上姝姬笑門前問
客稀暮峰玄兔急秋草紫駟肥未奉君王詔高槐晝掩扉
方云將帥富貴如此然千百人無一人也

菊坡叢話卷之十七

菊坡叢話卷之十八

送贈類

王民送胡邦衡之新州東所二首詩云一封朝上九重關
是日清都虎豹閑百辟動容觀奏牘幾人回首想朝班名
高北斗星辰上身落南州瘴霧間不待百年公議定漢庭
行召賈生還又大厦元非一本支要將獨力柱傾危癡兒
不了公家事男子要為天下高當日姦諛皆膽落平生忠
義只天知端能飽喫新州飯在處江山足護持此廬陵王
庭珪號廬溪政和八年登第調茶陵丞以上官不合去隱
廬溪者五十年紹興八年編脩胡公銓字邦衡以和議奏
封事乞斬王倫秦檜貶新州王作此詩送之被同邑歐陽

炎言詩謗訕亦送辰州編管年七十矣擢祖孝宗立召除
國子監簿再直敷文閣年九十餘有盧溪集揚載齋作序
胡澹庵雷州和朱秀才渡海詩云何人着眼觀征驂頗有新
詩作指南螺髻層層明晚照蜃樓隱倚晴嵐仲連蹈海
徒虛語魯叟棄樽亦謾談爭似澹庵乘興往銀山千疊酒
微醺胡銓自新州又移吉陽軍編管先是廣東經畧使王
鈇以胡銓未過海嘗賦詞云欲駕輕車歸去看豺狼當轍
奏銓唱和毀謗而有是命張棟送人頂筒銓徒步過海澹
庵此詩不少屈撓真欲漢又過於劉器之
胡澹庵次李參政泰發送行韻答黃幹楊詩云打成大錯一
毫差萬里去尋田子嗟微管閑思齊仲父勝奴長價漢渾

即道窮於我空憂國句好知君定作家便欲相携趁帆船
要觀子美賦靈槎齊仲父漢渾邪此澹庵心事也不以秦
論講和為然流離顛沛之死不變今秦氏安在而澹庵之
忠肝義膽萬古不朽也識此詩以見張魏公之貶岳武穆
之死趙李胡三公海外之窟南渡之業所以不振而至於
殿無氣愈弱愈下者誰實為之此非常之痛無窮之悲
不但為二三君子悵然也

雷茶山聞李泰發參政得旨自便將歸以詩送之云苦遭前
政墮危機二十餘年詠式微天上謫仙皆欲殺海濱大老
竟來歸故園松菊猶存不舊日人民果是非最小郎君今
弱冠別時聞道不勝衣 秦檜謫三大賢於海外趙丞相

鼎李參政光胡編脩銓又書其姓名於格天閣下必欲殺之趙先卒李胡皆生還

宋景文送越州陸學士詩云梅天霞破候旗乾鄉樹依然越絕間挾策當年逢掖去懷章此日繡衣還亭餘內史浮觴水路入仙人取箭山牛酒盛誇先墅宴不妨春詔得親班王景文留別虞樞密詩云太倉宇宙久陳之合與英豪共挽新修造鳳樓須有手住持烏寺可無人千官禮絕三司貴一士心歸萬國春藉與八風吹六翮飛騰意度不無神劉後村續詩話云王質景文與王樞使公明詩云試看公出手毋謂我無人與虞丞相云寄身江漢歸無所開眼乾坤見有公甚雋快此詩鳳樓烏寺之聯幾於自驚矣

宋文寄蘇內翰詩云倦壓論頭請左符笑尋穎尾為西湖二三賢守去非遠六一清風今不孤四海共知霜鬢滿重陽曾插菊花無聚星堂上誰先到欲傍金樽倒玉壺此詩六一清風一聯已佳四海重陽一聯不惟見天下人共惜東坡之老又且開慰被公隨時消遣不必以時事介意也劉夢得送渾大夫赴豐州詩云鳳衛新詔降恩華文旆旌旗出渾家故吏來辭辛屬國精兵願逐李輕車總裘君長迎風懼錦領酋豪踏雪衙其奈明年好春日無人喚看牡丹花夢得詩句之精絕其集曾自刪選故多佳者視樂天之易不侔也

梅聖俞送唐紫微知蘇州詩云洞庭五月水生寒盧橘楊梅

已滿盤泰伯廟前看走馬闕閭城下見驂鸞吳娃結束迎
新守府吏趨跽拜上官由過揚州能慣否劉郎羞裏勸須
寬聖俞詩似唐人而渾後過之如此篇者是

王平甫送德之郎中提刑與西詩云天扶開寶至熙寧和氣
薰蒸瘴癘傳五管閭閻如按堵六朝仁聖喜祥刑欲推恩
澤求膚使果見謀猷簡大庭嗟我白頭甘抱檠看君歸日
上青冥此善言朝廷祥刑脉語語意一串

蘇子白送龔鼎臣諫議移守青州詩云稷下諸公今幾人三
為諫議髮如銀梁王宮殿歸留鑰尚父山河屬老臣沂水
絃歌重曾點菑川故舊識平津過家定有金錢費千三百
看衣錦身又西山負海古諸侯信美東南第一州

容秦地險奇極僅比洛城優新絲出益冬裘易貢棗登塲
歲事休鈴閣虛閑官釀熟應容將佐得遨遊

周益公嘗問陸放翁作詩之法放翁對以宜讀子由詩蓋
詩病忌對偶大道如此則有形而無味三洪工於四六而
短於詩殆曾中有先入者而難化也放翁其以此哉益公
歎或問蘇子瞻勝子由否予以子瞻浩博所謂詩濤湧浪
之也不若所謂詩骨聳東野則易學矣子由詩淡靜有味
不拘字面事料之儻而鍛意深下句熟老坡自謂不如子
由識者宜細咀之可也

魯茶山送壻呂倉部治先守齊安詩云齊安剖竹要循良分
付吾家坦腹郎賸有江山連赤壁畧無訟獄到黃堂鈴齋

畫永宜深念邊瑣秋高合過防此地無元之遺烈在勉旃幸
未髮毛蒼呂倉部大器字治先茶山之婿是生東萊先生
呂成公黃堂赤壁深念過防四句皆佳

樓攻媿送王伯奮守筠陽詩云三槐名德萃清門七葉為州
賴有君道院無忘山谷賦郡齋當寄穎濱文君應膝上憐
文度我向東床憶右軍振起家聲差易耳便看奏最臨青
雲攻媿集有別王恭叔詩別長女清詩云遠侍雙親官道
院為同盡室饒西橋又云老我年來百念輕文姬助我以
琴鳴蓋攻媿長女清媛王恭叔隨侍其父赴筠守也此詩
三四切於其州五六用王氏二事以見伯奮之愛子已之
愛者皆工

歐齋送丘宗卿帥蜀詩三首人似隆中漢卧龍韻如江左
晉諸公四川全國牙旗底萬里長江羽扇中玉壘頻清開
宿霧雪山增重起秋風近峽廊廟多西帥出相誰言只在
東又諭蜀宣威百萬兵不洎號令自精明酒揮勃律天西
枕鼓卧蓬婆雪外城二月海棠傾國色五更杜宇說鄉情
少陵山谷千年恨不遇丘陵眼為青又蜀人詫蜀不能休
花作江山錦作州老我無緣更行脚羨君來歲領遨頭碧
鷄金馬端誰見酒肆琴臺訪昔遊收入西征詩集裏憶懷

還解記懷否

右見江東集

允廷之送吳待制帥襄陽詩云方持紫橐侍西清忽領雄藩
向暑行誰謂風流貴公子甘為辛苦一書生詞源筆下三

千牘武庫曾中十萬兵從此君王寬北顧山南東道得長
城又欲將盤錯試餘鋒故擁旌麾訖外庸南峴北津形勝
地前羊後社昔賢蹤不妨倒載同民樂自有輕裘折虜衝
努力功名歸報國莫思山月與林鍾元注公詩飽看七寶
山頭月慣聽三茅觀裏鍾此吳環也瑤之弟高宗吳后之
姪

韓無咎送陸務觀得宰鎮江還越詩云高文不識紫雲樓猶
得聲名動九州金馬漸登難避世蓬萊已近却回舟燒城
赤吉知何事許國丹心惜未酬歸卧鏡湖聊洗眼雨餘萬
壑正爭流 放翁詩亦有云赤口能燒萬里城

王半山送張仲容赴杭州詩云萬屋相誇勝滕與房矣

歌長在綺紈間綵船春戲城邊水畫燭秋尋寺外山憶我
屢隨遊客入喜君今趁辟書還達知曼倩威行久赤筆應
從到日閑李參政注孫公沔也杭州之盛自五代至宋繁
華久矣百五十年行都詩愈多而佳者愈不少未能盡得
之也

鄭毅夫奉詔赴瓊林苑燕餞太尉文潞公出鎮西都詩云都

門秋色滿旌旗祖帳容陪醉御扈功業迥高嘉祐末致

和首德精神如破具州時匣中寶劍騰霜鏑海上仙桃
建端之策公之子近有 昨日更聞褒詔下別刊名姓入丞彝
鳳露枝登瀛之命

白居易詩獻裴晉公有云聞說風情筋力在只如初破蔡
州時同此意也

王和甫和餞詩云名德曾來重西夷朝廷今日見官儀陪祠
自冠三公位分陝猶為百世師金谷望塵多眷舊瓊林賜
餞盡承疑都人喜見旆旌美寧識勲名在鼎彝

劉禹錫赴蘇州酌別樂天詩云吳郡魚書下紫宸長安既吏
送朱輪二南風化承遺愛八詠聲名躡後塵梁氏夫妻為
寄客陸家兄弟是州民江城春日追遊處共憶東都舊主
人樂天嘗守蘇今夢得亦往守此故有承遺愛躡後塵之
語梁鴻孟光嘗客於吳二陸機雲昔為吳人今到蘇凡寄
寓之客及在郡士人與太守相追遊者當共憶樂天即舊
主人也善用事筆端有口未易可及

姚合贈劉義詩云自君離海上垂釣更何人獨宿空堂雨
行九陌塵避時曾變姓救難似嫌身何處相期宿咸陽酒
市春此劉義豪俠之士嘗殺人亡命此詩殆義之真像也
贈竇五判官常渠牟詩云故舊相逢三兩家愛君兄弟有聲
華文輝錦綵珠垂露逸興江天綺散霞美玉自矜頻獻璞
真金難與細披沙終須撰取新詩品更比芙蓉出水花此
詩極工乃渠牟自稱重表兄弟竇庠也

竇庠酬謝詩云大賢持贈一明璫蓬華初驚蒲室光埋沒
劍中生紫氣塵埃瑟上動清商荆山璞在終應識楚國人
知不是狂莫恨伏軾身未老會將筋力見王良此詩亦足
以賞渠牟之賜

酬竇大閑居見寄房儒復詩云來自三湘到五溪清楓無樹

不猿啼名慙竹使宦情少路隔桃源歸思迷鵬鳥賦成知
性命鯉魚書至恨睽携煩君強着滿年比騎省風流詎可
齊竇大者名常所寄詩後四句云蝸舍喜時春夢覺隼旗
行處瘴江清新年且可三十二却笑情郎白髮生故有此
荅

李虛已和內翰楊大年見寄詩云龍冠三峯碧海寬雲謠初
下藹芝蘭探珠宮裏驪龍睡織錦機中綵鳳盤樂物蒼苔
錢作點粉墻脩竹玉為竿閑從蝶夢親鳧鳥曾得安期九
轉丹此詩三四頌楊文公所作如探珠織錦五六言翰苑
景物又謂夢中親炙承神仙丹點化之力酷有豈體

陳后山贈田從先詩曰衣冠魯國動成羣憂患相從只有君

落筆如流寧蹈龍行前應敵却紛紜愧非伏老成和伯喜
有侯巴守云意氣有餘工用少相忘千里定能動晚唐

詩諱用前輩善作詩者必善於用事此於師弟子間

引兩事之有何不可

又贈王聿脩商子常詩曰欲作新詩挑兩公含毫不下思
無窮貪逢大敵能無懼強畫脩眉每未工長病忍狂妨痛
飲晚雲朝雨滯晴空正須好句留春住可使風飄萬點紅
此詩能字每字乃是以虛字為眼非此二字精神何在善
吟咏古詩者只點撥一二好字高唱起而知其用力着意
之地矣

陳簡齋贈漳州太守綦叔厚詩云過盡蠻荒興復新漳州盡

戟擁詩人十年去國九行旅萬里逢公一欠伸王粲登樓
還感慨紀瞻起召欲遠逐繩床相對有今日贖醉齋中軟
脚春

白樂天寄太原李相公詩云聞道北都今一變政和軍樂萬
民安綺羅二八圍賓榻組練三千夾將壇蟬髮應誇丞相
少貂裘不覺太原寒世間大有虛榮貴百歲無君一日歡
此詩第五句頗於戲語中存規戒第六句對得妙

舒雅谷內翰學士詩云清貴無過近侍臣多情猶憶舊交親
金蓮燭下裁詩句麟角峯前寄隱論山氣忽飄燕谷暖好

風隨起謝庭春緘藏便是山家寶留此兒孫世不貧
元章簡賀冲之相拜相詩云天聖中年挂籍人而今二

五回春親逢舜燭圖鄰弼首見堯龍秉化鈞百辟望公承
約束四方多十仰經綸為儒富貴皆隆極惟祝功名日
新

劉禹謨上呂相公詩云重名清望徧華夷恐是神仙不可知
一舉首登龍虎榜十年身到鳳凰池廟堂只似無言者門
館長如未貴時除却洛京居守外聖朝賢相復書誰方云
此必為呂蒙正作劉昌言泉州人仕至同知樞密中二聯
世所共稱

陸放翁寄姜梅山詩云章臺官柳映宮槐寶馬蹄輕不動埃
只恠好詩無與敵誰知古學有從來江山常逐客帆遠歲
月不禁衙鼓催刺約東鄰投淨社高情千載友宗雷方云

此時首聯乃教人作詩之法不可強握必有本者如是姜
梅山和復詩云午庭風雨撼高槐一洗城頭十丈埃老子
坐間尋句好故人門外寄詩來勁鋒久服穿楊妙鈍思深
慚擊鉢催清佩左符君未可要聽吟思發春雷此放翁為
禮部時倡和詩也

後村贈高九萬并寄孫季蕃詩云諸人凋落盡高叟亦中
年行世有千首買山無一錢紫髯長拂地白眼冷看天古
道微如絨吾儕各勉旃又菊圃說花翁飄零向浙中無書
上皇帝有句惱天工世事年々異詩人箇箇窮築臺并下
榻今豈乏英雄方云高九萬詩俗甚為老妓詩二首亦俗
於後村孫季蕃老於花酒以詩禁僅為詞皆太平時節閑

人也

高子勉登黃山谷詩云

四篇詩得真諦金妙旨初臨法語尋

要我盡除兒子氣知

公全用老婆心平章許事真難可付

囑斯文豈易任感激

面秉岳涕泗高山從此少知音高荷

子勉江陵人以五言

律三十韻贅見山谷中有曰蜀天何

處盡巴月幾回穹點

檢金閨彥飄零玉筍班尚全宗廟器

猶隔鬼門關山谷賞

之遂知名和山谷六言皆佳蠟梅絕

句尤奇和王子子章

華碑有云威強九鼎俱喪亂一臺成

亦可喜後知涿州本

詩入江西派考樂詩云勃興連穀雨

國位次花王春盡詩

云佳人鬪草百稚子擊毬雙謁馬中

五云辨錐豪白馬謬

亦困青蠅皆可取也

王操上李相公詩云弱冠登龍入粉闈少年清貴古來稀袖
中詔草朝天去頭上官花侍宴歸卓筆玉堂寒漏迥捲簾
池館水禽飛三台位近猶謙遜閑聽秋霖憶翠微詩話或
以詔草為病為無携草以朝天子者予謂不然凡詔雖寫
真本豈不以草本袖而同行乎又或有以草本密進者此
無害也 方虛谷詩選

韓子蒼詩云憶昨昭文並直廬與君三歲侍皇居花開輦路
春迎駕日曬蓬山曉瀑書學士南來尚巖穴神州北望已
丘墟忽逢漢節滄江上握手西風淚滿裾此作全用常蘇
州詩為之常詩云與君十五侍皇闈曉拂爐煙上赤墀花
開漢苑經過處雪下驪山沐浴時近臣寒落今猶在仙駕

飄飄不可期此日相逢非舊日一杯成喜又成悲 蘇齋

韓持國過孔寧極處士山居又與孔寧極別後懷寧極二詩
極雍容簡遠其過寧極詩云驅車上橫隴西秦龍陽道青
烟人幾家綠野山四抱鳥啼春意闌林交夏陰早知近先
生處民風故淳好其別後詩云雨滴庵上茅風亂窓外竹
繁聲夜入耳欲寐不得熟永懷歸田客石徑滑馬足連山
暗秋霧一燈何處宿 同上

資治通鑑刊成賜執政從官及曾預編校者張芸叟以詩謝
范純夫有云我投湘水五千里公帶周南二十春純夫和
云六世承平有史臣細書東洛布成均網羅遺逸三千載

筆削與七十九春天作冠篇墳典大上思稽古憲章新烏
臺御史詞誰校頭白今為汗簡人 鼎氏客語

白樂天聞楊十二新拜省郎遂以詩賀云文昌新入有光輝
紫界宮墻日粉闌曉日鷄人傳漏箭春風侍女護朝衣雪
飄歌向高難和鶴拂煙霄老慣飛官職聲名俱入手近來
詩客似君稀元註向曾有贈楊詩落句云不用更教詩句
好折君官職是聲名今故云俱入手此揚巨源也

爾坡叢話卷之十八

菊坡叢話卷之十九

戲謔類

魯魯公亮自嘉祐秉政至熙寧中尚在中書年雖甚高而精
力不衰不請致仕而臺諫亦無非之者惟李復圭以為不
可因作詩嘲之有老鳳池邊蹲不去饑鳥臺上噤無聲之
句魯公聞之即請致仕而去 言行錄

昔有郭忠恕善戲謔嘗與聶崇義會以聶字嘲之曰近貴全
為贖攀龍即是聶雖然三个耳其柰不成聰崇義亦捷於
戲謔乃以二字解嘲云勿笑有三耳全勝畜一心又蔡襄
嘲陳亞云陳亞有心終是惡陳即應曰蔡襄無口便成衰
近時呂攬與謝暉亦以名相嘲云呂攬無才終入廣呂應

曰謝暉不日便充軍呂謝因而繫起字端是知戲謔不可不謹至於為虐可以為戒

夷堅志

歐公歸田錄云張齊賢體肥大飲食至一大桶晏元獻清瘦如削筋卷半餅食之元獻幕客王琪骨立張亢肥大琪謂亢牛亢謂琪猴琪嘲亢曰張亢觸墻成八字亢應聲曰王琪望月叫三聲

黃氏日抄

元祐中黃山谷與趙挺之俱在館閣山谷以其魯人意常輕之每庖吏來問食次趙必曰來日吃蒸餅一日聚飯行令山谷云欲五字從首至尾各一字合成一字趙沉吟久之曰禾女委鬼魏山谷應聲曰來力勅正整協趙之音合坐大笑趙又嘗曰鄉中最重潤筆每一誌文必出太平車中

載以贈之山谷曰想是羅高與瓜整爾趙銜之切骨其後

齊排不遺餘力卒致宜州之貶

言行錄

宋紹興中游操與潘良能沈介洪景伯俱為秘書省正字同日赴館職少監秦煇於食次出對曰潘游洪沈泛瀛洲時未有對後有以絳繹繪維綰綸綉為對蓋取熙寧中韓絳

陳繹韓維楊繪相先後除學士也

白稹宋真宗朝為饒州判官丁晉公為倅稹以片紙書至丁假緡五鏤晉公曰榜下新婿京國富室豈無半千貨物耶懼吾撻之耳就於簡尾書還曰欺天行當吾何有立地機

関子太乖五百青蚨兩家缺赤紅崖打白紅崖

陳季常妻柳氏甚悍而真能制蘇東坡作詩戲曰誰似龍丘

居士賢談空說有夜不眠忽聞河東獅子吼拄杖落手心
茫然此用佛經牟尼佛生兜率天分手指天地作獅子吼
聲坡取此

唐羅隱與顧雲同謁淮南高駢雲為人素雅重而性傲高公
留雲而遠隱至武陵餞雲于亭時盛夏青蠅入座高命扇
驅之因譴隱曰青蠅被扇之離席隱見畫白澤圖釘在門
上即應聲曰白澤遭釘之在門乃譏雲也

方圭好談詩宋公庠知揚州圭來謁乃宴於平山堂圭誦詩
不已坐客厭之已而宋公見野牛就木挨癢因謂坐客胡
恢曰野牛恃力狂挨木恢對曰妖鳥啼春不避人宋公大
笑圭悞其意以為譏已飲散欲奮臂擊恢衆救乃免詩話

直有癡弟畜漆琴而不御蟲虱入焉魯直嘲之曰龍池
生壁虱而未嘗對魚直之兄大臨且見床下以罇器畜生
魚問之其弟也大呼曰我有對矣乃曰虎子養溪魚也

后山詩話

呂公其歸若于洛常遊龍門邀屬者執筆請書官稱公題以
詩云思山乘興看山回鳥帽綸巾入帝臺門吏不須詢姓
字也曾三到鳳池來 同上

以論語法言戲有官君子嘗見有官君子皆以舉削為慮晦
庵先生以法言章句戲之曰勢援上也文章次也政事又
其次也咸無焉為選人其人大笑又見浙中官員子弟詢
趙守問及晦翁學術政事執優守乃舉論語篇章答之曰

學而第一為政第二可謂善品題矣二者之言雖曰戲謔亦可助笑談也

發雪齋論

劉子贈人詩云惠和官尚小師達祿須干取下惠聖之和師也達而子張學干祿之事或有除去官字示人曰此必當僧也其名達祿須干聞者大笑詩有詩病俗忌當避之此亦偶自諧合無若輕薄子何非筆力過也

貢父詩話

傳惠崇能詩有句云河分四勢春入燒痕青然是唐人舊句而崇之弟子以為詩吟贈其師曰河分四勢司空曙春入燒痕劉長卿不是以備古人句古人詩句似師兄杜工部有峽東滄江北古排石樹圓頃蘇子美遂用峽東滄江岩排石樹作古排石樹圓頃蘇子美豈獨詩有大句古人詩多則

往之為已得也

同上

余靖兩使契丹虜情益親能胡語作胡語詩虜主曰卿能道我為卿欲靖舉曰夜達設羅復盛也臣拜誥受賜也兩朝厥賀通好情幹勒重厚微臣雅魯拜舞祝若統福祐聖壽鐵擺高高但可忒無極主大笑遂為醕觴漢史有盤木白狼詩譯出夷語殆不若靖言其胡語也劉沆亦使虜便凌壓之契丹館客曰有酒如繩擊行人而不住沆應聲曰在北曰狄吹出塞以何妨仁宗待虜有禮不使繼微忤之二公俱謫官

梅聖俞幼戲謝師直詩曰古錢裁詩句斑衣戲坐隅木奴今正熟肯效陸郎無師直小名錢木奴至十歲讀此方悟之

宋太祖時同年數輩取名似姓者為句云郭鄭之東之野絳

馬張之夏之侯璘熙寧初有云崔度崔公度王韶王子韶

又有張君陳之君章如以西門豹對東方虬也王丞相云

馬子山騎山子馬駿馬有山子馬之名父之人對曰錢

衡水盜水衡錢錢其為人謝曰止欲作對實非盜也同上

王介字平甫性輕率語言無倫時人以為心風與王荆公舊

交熙寧中自省判出守湖州荆公作詩送之曰吳興太守

羨如何柳惲詩才未足多遙想郡人迎下擔白蘋洲上起

滄波其意以水值風即起波也介喻其意遂和十首盛氣

而誦與荆公其一曰吳興太守羨如何太守從來惡

生若不為上柱國死時猶合代閻羅荆公笑曰閻羅見缺

速請赴任 東軒筆錄

王介素與荆公不相能荆公會題江寧道中驛舍一聯云茅

屋滄洲一酒旗午煙孤起隔林炊介鄙之書其末云金陵

村裏王夫子可是能吟富貴詩荆公見之亦不屑意乃續

之云江清日煖蘆花起恰似春風柳絮飛末語又譏介之

輕狂也

饒次守與徐師川胡少汲謝夷李林子仁潘邠老吳君裕揚

信祖吳迪吉會欵于賦歸堂可謂一時之盛潘邠老賦詩

云胡子雲中白鶴林生初發芙蓉吳十九成雅奏饒三百

鍊奇鋒南州復見高士東山行起謝公吳生可斥南郡老

夫寧附石崇冠蓋城南高會山陰未掃清風客散日衙西
壁主人不道擗空徐師川云不工遂去一字為五言至老
夫附石崇坐客大笑

頭責文秦子羽云子魯不如太原温顛頴川荀寓范陽張華
士卿劉許義陽鄭諶河南鄭誦此數子者或寒乞無宮商
或尪陋希言語或淹伊多姿態或謹譁少智諳或口如含
膠飴或頭如巾蓋杵而猶以文采可觀意思詳序攀龍附
鳳名登天府張敏集載此文曰余友秦生者雖有姊天之
尊少而狎焉同時好暱有六人者數年之中繼踵登朝無
伐木嚶鳴之聲遠王貢彈冠之義故因秦生容貌之盛為
頭責之文以戲之并嘲六子焉雖以諧譁實有興也

子厚初生時父母欲不育浸於水盆後復育之長工詩文
為時所重出守湖州嘗以詩寄東坡之用其韻和二首云
方丈仙人出渺茫高情猶愛水雲鄉功名誰使連三捷身
世何緣得兩忘早歲歸休心共在他年相見話徧長只應
未報君恩重清夢時到玉堂又絳闕雲臺總有名應須
極貴又長生鼎中龍虎黃金賤松下龜蛇綠骨輕雲水未
渾纓可濯弁峯初見照應明兩巵春酒真堪羨獨占人間
分外榮此二詩甚佳前詩言其出渺茫而終貴顯後詩言
其好爐火而餌芝苓皆善謔也子厚得詩不樂數日

蘇東坡九日在舟中望見吳山有美堂上魯少卿携妓而飲
即戲作二絕句遣人送之詩云指點雲間數點紅笙歌正

擁紫髯翁誰知愛酒龍山客却在漁舟一葉中又云西閣
珠簾捲落暉水沉煙斷佩聲微遙知通德淒涼其擁髯無
言怨未歸此通德姓樊趙飛燕文史也後為伶玄妻魯公
事已完不回朝有美妾坡故以詩詭之

种放夫遇時見陳希夷作樵夫拜於庭下希夷曰君豈樵夫
者耶二十年後當為顯官放曰其為道義而來官祿非所
願也希夷曰君骨相當爾後張齊賢言放隱居求志老友
之行可屬薄俗宋真宗召為左司諫携手登龍圖閣論天
下事後辭歸山當時錢希白與楊大年二公飲酒作閑忙
令大年白世上何人號最閑司諫拂衣歸華山錢希白曰
世上何人號最忙紫薇失却張君房時人傳以為笑祥符

中命詞臣撰日本國祥光記當首者學未優常以張君房
代之既傳宣甚急張正醉飲樊樓紫薇大窘忙不忙也

遯齋閑覽云張子野郎中以詞名擅一時宋子京尚書奇其
才先往見之至其家遣侍者謂曰尚書欲見雲破月來花
弄影郎中子野即於屏後呼曰得非紅杏枝頭春意鬧尚
書耶遂出置酒盡歡蓋二人所舉皆其警策也又云子野
初謁見歐公公迎謂曰好雲破月來花弄影恨相見之晚
也

宋朝陶穀使江南韓熙載命妓秦弱蘭詐為驛卒之女擁帚
掃地陶因與狎贈之以詞名風光好云好因緣惡因緣祇
得郵亭一夜眠別神仙琵琶撥盡相思調知音少待得寫

膠續斷絃是何年既而李主宴陶穀令弱蘭歌此詞陶大
沮即日北歸

鄭光業舉進士初在客邸夜有一同舉人突入笑語曰必先
必先可相容否鄭為輟半席輔地又曰杖取一杓水更煎
一椀茶鄭欣然取水煎茶後日鄭狀元及第其人作啓謝
之有曰既取杓水更煎椀茶當時不識貴人凡夫肉眼今
日俄為後進窮相骨頭至今傳以為笑

韓浦唐末人與弟洎俱有詞學洎常輕浦曰吾兄為文如繩
樞直舍聊庇風雨而已吾之為文是造五鳳樓手後浦官
于蜀聞之因人寄蜀牋仍題詩贈洎曰十樣鸞牋出益州
新來寄自浣溪頭老兄得此全無用助汝添脩五鳳樓

為之大斲

陶穀學士久在詞葉宋太祖一日謂近臣曰頗聞翰林草制
皆檢舊本換詞語世俗謂之依樣畫葫蘆耳後陶穀因作
詩書于玉堂壁曰官職須由生處有不能不管用時無堪
笑翰林陶學士年々依樣畫葫蘆太祖見之傳其意望遂
致不用

夔峽道中昔有杜少陵題詩一首以天字為韻榜之於階自
唐至今無敢和其詩者有一監司過而見之輒和其韻大
書其側而去後有人嘲之云想君吟詠揮毫日四頭無以
膽似天過者無不笑之 竹坡詩話

熙寧初外學置長師職簡地親多在幕席徐有學長喜評語

同學苦之詠蠅詩以刺之曰衣服有時遭點染杯盤無日
不追隨

后山詩話

揚大年傀儡詩云鮑老當年笑郭郎笑他舞袖太郎當若教
鮑老當筵舞轉更郎當舞袖長語俚而意切相傳以為笑

后山詩話

鄭公在朝數為御史糾劾疑時宰諷旨戲作青雀詩云青雀
孤飛毛羽單早栖豈敢擬鵝鷺明珠自有千金價莫與他
人作彈丸

劉貢父天資滑稽不能自禁遇可諧謔雖公卿不避復王荆
公素厚荆公後當國亦變謔之雖每為絕倒然意終不佞
平也元豐末為京東轉運使貶衡州監酒雖坐他累

謂嘗以時相姓名為戲惡之也元祐初起知襄州有淳
于髡墓在境內貢父題云微言動相國大笑絕冠纓流輝
有餘知滑稽全姓名師儒重搜下冠蓋盡南荆贅壻不為
辱旅墳知客卿又有續謝師厚善謔詩云善謔知君意
何傷衛武公蓋記前事且以自解云

石林詩話

常待制秩居汝陰與王深父皆有盛名屢召不至雖歐陽文
忠公亦推重之其詩所謂笑段穎川常處士十年騎馬
朝鷄者是也熙寧初荆公當國力致之遂起判國子監太
常禮院聲譽稍減於前嘗一日大雪趨朝與百官待門於
仗舍秩寒甚不可忍喟然若有所恨乃舉文忠詩以自戲
云凍殺穎川常處士也來騎馬聽朝鷄

同上

菊坡叢話卷之十九

菊坡叢話卷之二十

白話類

盧下川有示添丁詩云春風苦不仁呼逐馬啼行人家瘴氣
却憐我入我焦悴骨中為生涯數日不食強起行何思索
我抱着蒲樹花不知四體正困憊泥人啼哭聲呀呀忽來
案上翻墨汁塗抹詩書如老鴉父怜母惜擲不得却生癩
笑令人嗟宿春運晚不成米日高始進一椀茶氣力龍鍾
頭欲白憑仗添丁莫惱爺後村詩話云唐人多傳盧仝因
留王涯第中遂預甘露之禍仝老無髮奄人於惱後加劍
焉人以為添丁之讖或言好事者為之仝處士於人無怨
何為有此謗然平時切齒元和逆黨月鉉一詩贈灸人口

意者群奄以此害之

詩林

歐陽文忠公詩始矯西崑體專以氣格為主故其言多平且
踈暢語意所到處雖語句不倫亦不復問而學之者失於
快直傾困到廩無復餘地然公好處豈專在此如崇徽公
王手痕詩云故鄉飛鳥尚啁啾何況悲笳出塞愁青塚埋
魂知不返羣崖遺跡為誰留玉顏自古為身累肉食何人
與國謀行路至今空嘆息澗花岩草自春秋玉顏肉食自
是兩段大議論而抑揚曲折發見於七字之中婉麗佳勝
雖崑體未比言意所會要當如此乃為全到
杜正獻公自少清羸若不勝衣年過四十始發白雖立朝
孤峻凜然不可屈而不為奇節危行雖在朝亦以有所

不為賢而以得其所為幸歐陽文忠公出其門下謝
事意宋歐公適來為守相與歡甚公不甚飲酒惟賦詩倡
酬時年八十歐公嘗和公詩云儉節清名世絕倫坐令風
俗可還淳貌先年老因憂國事與心違始乞身四海儀刑
瞻舊德一樽談笑作閑人鈴齋幸得親西席東向時容問
治民公得詩大喜常自諷詠當時人謂不惟曲盡公意雖
其形貌亦在模寫中也

司馬溫公熙寧間自長安得請留臺歸始至洛中以詩言懷
云三十餘年西復東勞生薄宦等飛蓬所存舊業惟清白
不負明君有朴忠早避喧囂真得策未逢危辱早收功太
平觸處農桑浦贏取閭閻鶴髮翁出處大節世固不容復

議是詩雖以不合論而去而神宗眷禮之意愈厚然猶以
避煩畏辱為言况其下者乎

賀方回作青玉案詞有梅子黃時雨之句士大夫稱其工謂
為賀梅子郭功父有示耿天隲詩一首王荆公為書其尾
云廟前古木歲訓狐豪氣英風亦何有後方回晚倅姑孰
與功父游甚懽方回髮少功父指其髻曰此真賀梅子也
公回乃將其鬚曰君可謂郭訓狐矣以其白鬚而胡故有
是語

樞密張公穉仲喜談兵論邊事面目嚴冷而作詩有風味岐
三宮侍兒落髮為尼公賦一詩云六尺輕羅染麝塵金蓮
穩步襯湘裙從今不入湘王夢剪盡巫山一朵雲殊可喜

士林盛素以方術顯於時有附之者多得美官頗自矜而
有驕色或有畫素之像戲題其上云當日先生在市廛
世人那識是神仙只因學得飛昇後鷄犬相隨也上天
並竹坡詩話

世傳杜子美詩可以愈瘡昔有病瘡者子美曰吾詩可療之
病者曰云何曰夜闌更秉燭相對如夢寐其人誦之瘡猶
故也子美曰更誦吾詩云子璋髑髏血模糊手持擲還雀
大夫其人誦之果愈胡荅溪云此未必然蓋杜詩辭意典
雅讀者脫然如沉疴之去躰也好事者乃為此論借使瘡
誠有鬼而知詩是賢鬼也豈復膏之求食於嘔泄之間哉

觀子美有詩云三年猶瘧疾一鬼不消亡隔日瘦脂髓增
寒抱雪霜社陵是疾正自不免耳

說愁意予絕喜李頎詩云遠客坐長夜雨聲孤寺秋請量東
海水看取淺深愁且作客遠涉道高窮秋暮沒孤村古寺
中夜不能寐起坐僕側而聞簷外雨聲其為一時襟抱不
可知而於兩句十字中盡其意態海水喻愁非過語也
歸退之詩云心許愁來惟貯火眼知別後自添花王臨川云
髮為感傷無翠葆眼從瞻望有玄花又云欽定四庫全書
自歎虞翻骨相屯又云久諳郭璞言多驗若此則含意更
踈韜我今非重無歸望直去長安路八千水叔今日始知
予罪大夷及此去更三千卅十年願領到秦京誰料今為

領外行王十年江海別常輕豈料今墮寡婦行柳直以情
踈招物議休將文字越時名王直以文章歸潤色未應風
月負登臨撰十一年前南渡客四千里外北歸人蓋工於

前也

玉屑

嬉笑之怒甚於裂眚長歌之哀過於慟哭此語誠然元微之
在江陵聞白樂天降江州作絕句云殘燈無焰影幢々此
夕聞君謫九江垂死病中驚起坐暗中吹雨入寒窓樂天
以為此句他人尚不可聞况僕心哉 隨筆

長恨歌上陽人歌連昌宮詞道開元間宮禁事為最深然微
之有行宮絕句云寥落古行宮花寂寞紅白頭宮女在
閑坐說玄宗語少意足有無窮之味 隨筆

寇忠愍公詩思凌灑蓋富於情者如江南春云波渺渺柳依依孤村芳草遠斜日杏花飛江南春盡離腸斷蘋滿汀洲人未歸又云香煙波隔千里白蘋香散東風起日落汀洲一望時愁情不斷如春水觀此語意疑若優柔無斷者至其端委廟堂決澶淵之策其氣銳然奮仁者之勇全與此不相類蓋人之難知也如此

編隱

狄青為樞密使時范鎮為諫官人有相語童謠云漢似胡兒胡似漢改頭換面然一般只在汾河川子畔以青汾河人面有刺字不肯滅去又姓狄為漢人此歌為是人作也為不疑矣欲范言之范曰此唐太宗殺李君羨事上安忍為適以啓君臣疑心耳

東坡記事

張忠獻公後為王十朋作不欺室銘曰泛觀萬物心則惟一如何須更有欺暗室君子敬義不忘栗之每訓子及門曰學以禮為本禮以敬為先又曰學者當清明其心默存聖賢氣象久之自有見處又嘗作詩曰群克用事人心云大義重新天意回解使中原無左袵斯文千古未塵埃朱文公跋曰舉大義以清中原此公平生心事也觀於此詩可見其寢食之不忘然竟不得遂其志可勝嘆哉言行錄上蔡云呂晉伯好學初理會个仁字不透予因曰世人說仁字只管着愛上怎生見得仁只如力行近乎仁力行則愛甚事何故却近仁推此類具言之晉伯因悟曰公說仁字正與尊人門說禪一般晉伯兄弟皆有見處一人作詩詠

曾點事曰函文從容問且酬展才無不到諸侯可憐曾點
惟鳴瑟獨對春風詠不休一人有詩曰學如元愷方成癖
文到相如反類併獨立孔門無一事只輸顏子得心齋程
子曰此詩甚好古之學者惟務養情性其他則不學今為
文者專務章句悅人耳目既務悅人非併優而何言行錄
辛幼安號稼軒宋寧宗朝擁節鉞奉身勇退以家事付兒曹
作西江月云萬事雲烟忽過一身蒲柳先衰而今何事取
相宜之醉宜遊宜睡早起催科了辦更量出入收支乃翁
依舊管些兒管竹管山管水

東坡別集詩評云別來頭併白相見眼終青此老杜句也
書頭欲白相對眼終青身更萬事已頭白相對百年終

青者鏡白頭知我老平生青眼為君明故人相見尚青眼
新貴即今多黑頭江山千里多頭白骨肉十年終眼青白
頭逢國士青眼酒樽開此坡谷所為也

詩人寫人物態度至不可輕易元微之李娃行云鬢髮
高一尺門前立地看春風此定是娼婦退之華山女詩云
洗粧拭面青冠帔白咽紅頰長眉青此定是女道士東坡
作芙蓉城詩亦用長眉青三字云中有一人長眉青炯如
微雲淡疎星便有神仙風度季父仲山先大夫同祖弟也
讀書精苦作詩有源流昔嘗上書晚以特奏名得一官致
和閒和御製宮詞三百首以進今錄一絕於此染指可以
知鼎味也其詞曰輕寒慘之透輕羅玉箭銅壺漏水多常

是未明供御服夢回頗問夜如何時道君皇帝在睿恩殿
宣進甚急急謂得美官翌日墓章論列作詩害經旨遂報
罷調南劍州順昌縣尉後卒于揚州 許彥周詩話

柳子厚與浩初上人看山詩云海畔尖山似劍鋸秋來麴之
割愁腸若為化得身千億散上峯頭望故鄉議者謂子厚
南遷不得為無罪蓋未死而身已在刀山矣 竹坡詩話

宋熙寧初有人自常調上書迎合宰相意遂至御史蘇長公
戲之曰有甚意頭求富貴汝此已鼻便姦邪有甚意頭沒
些巴鼻皆俗語也 后山詩話

元祐初起范蜀公於家固辭不就其表云六十三而致仕固
不待年七十九而造朝豈云知禮是時文潞公年八十餘

一召而來人各有所志也

后山詩話

寇準年三十餘宋太宗欲大用尚難其少準知之遽服地黃
兼餌麝香以反之未幾鬢髮皓白 王君玉因老談苑

熙寧四年呂誨表乞致仕有曰臣本無宿疾偶直醫者用術
乖方下知脈候有虛實陰陽有順逆診察有標本治療有
先後妄投湯劑率任情意差之指下禍延四支寢成風痺
遂難行步非徒憚跼蹙之苦又將虞心腹之變勢已及此
為之奈何雖然一身之微固未足恤其加九族之托良以
為憂是思逃祿以偷生不俟引年而還政於戲獻可之論
可謂至矣 東山詩話

古人歌行之作有四解五解六解之體如善哉行古辭云來

日大難口燥唇乾今日相樂言當喜歡一解經歷名山芝
草翻仙人王喬奉藥一丸一解自惜袖短丙手知寒漸
無靈報以報道趙宣三解月沒參橫北斗闌干親交在門
飢不及食四解歡日尚少感日苦多以何忘憂彈事酒歌
五解淮南八公要道不煩參駕六龍遊戲雲端六解其後
魏武帝作秋胡行有四解魏武帝艷歌何嘗行五解皆本
之古辭云 古樂府

東坡在儋耳題司命宮道士息軒詩云無事此靜坐一日似
兩日若活七十年便是百四十歲金幾時成白髮日夜出
開眼三千劫遠於駒過隙是故東坡老貴汝一念息時來
登此軒日送過海席家山歸未成題詩寄壁東坡復云

無事靜坐便覺一日似兩日若能更置此生常似今日得
年至七十便是百四十歲人世間何藥能有此效既無反
惡又省藥錢此方人人收得但苦無好湯使多嚙不下
吟齋夜話

陳搏對御歌云臣愛睡臣愛睡不卧趨不盖被片石枕頭簑
衣鋪地震雷掣電鬼神驚臣當其時正鼾睡閉思張良悶
想范蠡說甚孟德休言劉備三四君子只是爭些閑氣爭
如臣向青山頂頭白雲推裏展開眉頭解放肚皮且一覺
睡管甚玉兔東生紅輪西墜談藝云陳搏隱武當山後居
華州雲臺觀多閉戶獨卧或累月不起周世宗召入禁中
高戶試之月餘始開搏熟寐如故

東坡云吾昔在錢塘一日晝寢寶山僧舍題一絕于壁云
尺頑軀走世塵十圍便腹貯天真此中空洞渾無物何止
容君數百人其後有小子亦題名壁上見者乃謂余語之
也然周伯仁所謂君者乃王茂洪之流豈此等之輩哉
詩林

東坡書焦山綸長老壁上詩云法師住焦山而實未嘗住我
來輒問法之師了無語乃至無語言不知所答故看者
與足本自安冠屨譬如長鬣人不以長為苦一旦或人問
每睡安所措歸來被上下一夜着無處展轉遂成夢心
盡鑷去此言雖鄙淺故自有深趣持此問法師法師一笑
許趙彥材云此篇譬喻乃先生用小說一段事裁以詩

而意取高妙坡陽室中語云子瞻作詩長於譬喻和子由
詩云人生到處知何事應似飛鴻踏雪泥之上偶然留指
爪鴻飛那復計東西守歲詩云欲知垂盡歲有似赴壑蛇
脩鱗半已沒去意誰能遮况欲係其尾雖勤知柰何畫水
官詩云高人豈學畫用筆乃其天譬如善遊人一能操
船龍眼詩云龍眼與荔枝異出同祖父端如棋與橘未易
相可否皆累數句也如一聯則少年辛苦真食蒙老境清
閑如啖蔗如一句則雪裏波菱如鉄甲之類不可勝紀
詩林

王梅溪集云姜師德教弟耐事弟曰人有唾面潔之乃已師
德曰未也潔之是遠其怒正使自乾耳予嘗詠史作師德

詩云作意由來勿校難誰能嚙面自令乾直須事過平心
後方服委公度量寬子性褊急嘗欲書委公傳于座右教
古人佩帶之戒偶閱書遠錄其事昆弟朋友間有坐于失
者宜書紳焉則事雖大於唾面心自然清涼矣 本集

趙德麟侯鯖錄云東坡老人在昌化嘗負大瓢行歌田畝間
所歌者蓋哨遍也饒婦年七十云內翰昔日富貴一場春
夢坡然之里人呼此媪為春夢婆坡一日被酒獨行遍至
子雲諸黎之舍作詩云符老風流可奈何朱顏減盡鬢絲
多投梭每困東隣女換有惟逢春夢婆是日復見老符秀
才言此春夢婆之實也

晦翁足疾得程道人鍼之而愈戲贈以詩云十載扶行恃短

筇一鍼相值有奇功出門放步人爭看不是前來勃率翁
張九齡南還湘水言懷詩云拙宦今何有勞歌念不成十年
乖夙志一別悔前行歸去田園老儻來軒冕輕江間稍正
熟林裏桂初榮魚意思在藻塵心懷食草時哉苟不達取
樂遂吾情張曲江詩有高蘇州滋味但其詩世不多見故
為錄之

病中感懷李後主詩云憔悴年來甚蕭條益自傷風威侵病
骨兩氣咽愁腸夜鼎惟煎藥朝盤半染霜前綠竟何事誰
與問空王李後主號能詩詞偶承先業擬有江南亦借稱
帝數十州之主也集中多有病詩如云病態如衰颯厭
又五年看此詩真所謂衰颯憔悴豈大風橫汾之比乎或

云此未即位非也七言有云衰顏一病難牽復曉殿君臨
頰自羞又云冷笑秦皇經遠累靜冷姬滿苦時巡蓋君臨
之時也

耳聾杜工部詩云生年鶻冠子嘆世鹿皮翁眼復幾時暗耳
從前月聾猿鳴秋淚歎雀噪晚愁空黃落鷺山樹呼兒問
朔風此詩足見游戲翰墨後四句俱謂耳全無聞猿鳴雀
噪既不聞矣而朔風吹落木葉亦不之聞至呼兒以問之
予謂果真聾矣兒所答又何聞乎史記謂豫讓吞炭為啞
然請趙襄子之衣三斬之未嘗啞也

眼病一首白樂天詩云散亂空中千片雪蒙籠物上一重紗
縱逢晴景如看霧不是春天亦見花僧說客塵來眼界

言風眩在肝家兩頭治
藏損傷來已久病根牢
多教早罷官案上謾鋪
藥應無益爭得金篦試
目疾詩律之之然此亦

瘳何曾差藥力微芒佛力除又眼
固去應難醫師盡勸先停酒道侶
龍樹論合中虛憒決明丸人間方
刮看方云白躄詩不可以陳蘭齋
吾形容不取其格而取其味

眼疾陳蘭齋詩云天公噴
參軍騎瞎馬但妨中散
音定有功九惱從來是

我眼常白故着昏花阿堵中不惟
匹飛鴻著雞令惡誰能對損讀方
以種會知那律證圓通此詩八句

而用七事謂詩不在用事
夜半臨深池此設伴堪象
之只見門外著誰不見眼

者殆曾中無書耳盲人騎瞎馬
重所作危語仲堪恥一目適許
甲安障此方于今以嘲李主簿

范甯武子患目痛求方於
減思慮二專內視三簡外
物煮以神灰下以氣篋白
事出楞嚴經無目可以證
不可不細味也

耳鳴范石湖詩云東極空歌
路入梵元國自有音聞空
向夢中鳴如今却笑難陀
一前篇有云夢中鼓響生
語爵陰吞賊道玉沐安
不必讀書不在用事可

取湛人戲謂此方用損續言一
四早晚起五夜早眠六凡六
阿堵送飛鴻三事非僻那律
其要妙在用虛字以幹實事

始青西方寶網奏韶英不須
茂城牛蟻誰知床下鬪鷄蠅任
種無耳何勞強聽聲此二首選
一偏竟後鍾聲失百非又云寄
坐朱衣皆奇博已甚謂能詩者

齒脫曾茶山次韻王元勃詩
夏屋渠元注夏屋大具
頻交疎元注多較子謂勤
書落勢今年殊未已紙雁

云齒危但以粥充虛奉負公家
勤政恐麴生真作祟可伶髯簿
程不減韓吏部蹴踏非勤焦校
從此併無餘此當與陳簡齋目

疾范石湖耳鳴參綜以觀
曾無奇書落筆無活法則
病肺對雪張文潛詩云擁庭

拾律相似善用事亦相似但貯
能耳誰謂江西詩可輕視乎
雪照高堂則病悠々廢舉觴
幼輿狂交飛翠尊知誰醉獨

三四絕佳不為幼輿狂尤
嗅烏巾認舊香唯有意茶
髮脫劉後村詩云髮脫紛々

未厭故知淡薄味能長此詩
別異但觴竿二字重犯
不待爬天將醜恠變妍並論為

城日寧非怒度作沙弥亦

目佳稚子笑翁簪栢葉侍人諱

老匣菱花霜寒元要泥丸

暖慚愧烏巾着意燕方虛谷云

觀白崇天陳簡齋之目

文潛曾於山之齒范石湖之耳

加以後村髮禿詩可發

笑然後村詩不及諸公

包信嶺下卧疾寄劉長卿

云唯有貧燕病能令親愛疎歲

時供放逐身世付空虛

發髮如頭風曉廢梳波瀾喧衆

口藜藿靜吾廬喪馬思

占鵲懶發書十年江海客誰

恨子知予方云信又有

庠寄懷詩甚哀首云病夫將老

矣無可答君恩衾枕同

客圖書委外孫中云無醫能却

老有變是游龜用喪馬

龜事必頗精於易劉長卿答詩

云落日樓鴉鳥行人遠

鮪魚緝作包諫議未審何事貶

下

王元之病起思歸二首其一云年來多病轉思山終日呻吟

簿籍間叔夜養生休著論陶潛雖死只應閑又移郡印三

年調才報君恩兩鬢斑安得便歸田里去松篁泉石掩柴

關其二云四十為郎非不偶况曾題筆直瀛洲明時遇主

誰甘退白髮侵人自合休夢得蹉跎因出郡薛能詩什耻

監州春來病起思歸甚未敢飛章達冕旒○劉夢得貶謫

為郎四十年薛許昌詩云監州是戲儒此元之謫商州團

練副使時詩

菊坡叢話卷之二十

國



